

Na osnovu stava (1) člana 3. Pravilnika o postupcima u provođenju Programa razvoja male privrede Hercegovačko-neretvanskog kantona 2016.-2020. godine („Službene novine HNK“, broj: 6/16) i stava (3) tačke I Odluke o usvajanju Programa utroška sredstava Ministarstva privrede sa pozicije „Subvencije privatnim poduzećima i poduzetnicima (po odluci Vlade)“, utvrđene Budžetom Hercegovačko-neretvanskog kantona za 2019. godinu, sa kriterijima raspodjele, broj: 01-1-02-751/19, od 08.04.2019. godine, a u vezi Zakona o sistemu državne pomoći u Bosni i Hercegovini („Službeni glasnik BiH“, broj: 10/12) i Uredbe o uslovima i postupku za dodjelu pomoći male vrijednosti - de minimis pomoć („Službene novine F BiH“, broj: 27/18), Ministarstvo privrede Hercegovačko-neretvanskog kantona objavljuje

JAVNI POZIV
za odabir korisnika sredstava Ministarstva privrede sa pozicije
„Subvencije privatnim poduzećima i poduzetnicima (po odluci Vlade)“
utvrđene Budžetom Hercegovačko-neretvanskog kantona za 2019. godinu
sa kriterijima raspodjele

I PREDMET JAVNOG POZIVA

Predmet Javnog poziva je prikupljanje prijava - projektnih prijedloga za dodjelu bespovratnih sredstava Ministarstva privrede Hercegovačko-neretvanskog kantona (u daljem tekstu: *Ministarstvo*), sa pozicije - „Subvencije privatnim poduzećima i poduzetnicima (po odluci Vlade)“, utvrđene u razdjelu 36, potrošačka jedinica 0003, ekonomski kod – 614500 Budžeta Hercegovačko-neretvanskog kantona za 2019. godinu („Službene novine HNK“, broj: 11/18).

Prikupljanje prijava za dodjelu bespovratnih sredstava vršit će se na osnovu Programa utroška sredstava Ministarstva, sa kriterijima raspodjele, kojeg je Vlada Hercegovačko-neretvanskog kantona usvojila dana 08.04.2019. godine, na 102. sjednici, Odlukom, broj: 01-1-02-751/19 (u daljem tekstu: *Program*).

II PROGRAMI, CILJEVI PROGRAMA, KORISNICI SREDSTAVA, NAMJENA, USLOVI ZA APLICIRANJE, KRITERIJI RASPODJELE

Programom, iz tačke I ovog Javnog poziva, utvrđeni su programi (LOT-ovi), ciljevi programa, korisnici sredstava, namjena, uslovi koje moraju zadovoljiti podnosioci zahtjeva za sredstva (aplikanti), kriteriji za odabir korisnika, te iznosi sredstava koja će biti dodijeljena odabranim korisnicima, prema utvrđenim kriterijima.

Programi su razvrstani u tri (3) LOT- a i to:

LOT 1. - SUFINANSIRANJE PODUZETNIKA POČETNIKA 120.000,00 KM

Ciljevi: povećanje broja subjekata male privrede na području HNK; kreiranje novih radnih mjesta.

Korisnici sredstava: subjekti male privrede (**fizička i pravna lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16), *Zakonom o obrtu u HNK*

(„Službene novine HNK“, broj: 6/08) i *Listom tradicionalnih i starih obrta na području HNK* („Službene novine HNK“, broj: 7/10).

Izvor: Budžet HNK.

Iznos poticajnih sredstava: 120.000,00 KM.

Način korištenja poticajnih sredstava (namjena): sufinansiranje troškova prve registracije subjekta male privrede; sufinansiranje troškova nabavke opreme; sufinansiranje troškova za pravne, savjetodavne, konsultantske i administrativne usluge; novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz), troškovi osnivačkog kapitala (uloga).

Uslovi: pravo prijave za poticajna sredstva Ministarstva imaju slijedeći subjekti male privrede:

- a) **fizička lica** koja se bave obrtima, registrovana nakon 01.01.2017. godine, do okončanja Javnog poziva;
- b) **pravna lica**, registrovana nakon 01.01.2017. godine, do okončanja Javnog poziva, koja se bave djelatnostima, razvrstanim prema *Strukturi klasifikacije djelatnosti BiH 2010.* („Službeni glasnik BiH“, broj: 47/10), (dalje: *SKD BiH 2010.*), i to:
 - vađenjem rude i kamena (B),
 - prerađivačkom industrijom (C), (**osim** proizvodnjom duhanskih proizvoda - C12, proizvodnjom hemikalija i hemijskih proizvoda - C20, proizvodnjom osnovnih farmaceutskih proizvoda i farmaceutskih preparata - C21 i proizvodnjom oružja i municije - C25.4),
 - informacijama i komunikacijama (J) i **to samo** računarskim programiranjem, savjetovanjem i djelatnostima u vezi s njima - J62,
 - građevinarstvom (F),
 - stručnim, naučnim i tehničkim djelatnostima (M) i **to samo** tehničkim ispitivanjem i analizom - M71.2.
- c) pozitivno poslovanje od datuma osnivanja;
- d) subjekti pod a) i b), koji imaju najmanje jednog (1) zaposlenog.

Kriteriji za odabir korisnika: broj zaposlenih; vrsta djelatnosti (prednost imaju proizvodne djelatnosti); pripadnost ciljnoj skupini (prednost imaju žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje.

Sredstva se dodjeljuju korisnicima:

- **fizičkom licu (obrtima)** - maksimalno **do 3.000,00 KM** (slovima: trihiljade konvertibilnih maraka), s tim da se za troškove registracije dodjeljuje fiksni iznos od 500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2017. - 2018. godina, a
- **pravnom licu** - maksimalno **do 10.000,00 KM** (slovima: deset hiljada konvertibilnih maraka), s tim da se za troškove registracije dodjeljuje fiksni iznos od 1.500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2017. - 2018. godina.

LOT 2. – TEHNOLOŠKI RAZVOJ

860.000 KM

Ciljevi: poticaj subjektima male privrede, s područja HNK, za povećanje i modernizaciju proizvodnih kapaciteta, kroz ulaganja u razvoj i nabavku novih tehnologija koje dovode do

kreiranja novog, ili usavršavanja postojećeg proizvoda, usavršavanja efikasnosti proizvodnje i stvaranja proizvoda sa većom dodanom vrijednosti.

Korisnici sredstava: subjekti male privrede (**pravna lica, ili poslovne jedinice / podružnice u sastavu pravnih lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16).

Izvor: Budžet HNK.

Način korištenja poticajnih sredstava (namjena): povećanje i modernizacija proizvodnih kapaciteta; uvođenje sistema upravljanja kvalitetom, normi i znakova kvalitete; ulaganja u novu opremu, računarsku opremu, softverska rješenja; kreiranje novih proizvoda; stručno osposobljavanje i obrazovanje; novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz).

Uslovi: pravo prijave za poticajna sredstva Ministarstva imaju:

- a) pravna lica (ili poslovne jedinice/podružnice, u sastavu pravnih lica) koja se bave djelatnostima, razvrstanim prema SKD BiH 2010., i to:
 - vađenjem rude i kamena (B),
 - prerađivačkom industrijom (C), (**osim** proizvodnjom duhanskih proizvoda - C12, proizvodnjom hemikalija i hemijskih proizvoda - C20, proizvodnjom osnovnih farmaceutskih proizvoda i farmaceutskih preparata - C21 i proizvodnjom oružja i municije - C25.4),
 - informacijama i komunikacijama (J), **i to samo** računarskim programiranjem, savjetovanjem i djelatnostima u vezi s njima - J62,
 - građevinarstvom (F),
 - stručnim, naučnim i tehničkim djelatnostima (M), **i to samo** tehničkim ispitivanjem i analizom - M71.2.
- b) pozitivno poslovanje u posljednje dvije fiskalne godine (2017.-2018.);
- c) da stalno imaju najmanje 4 zaposlena, u periodu 2017.-2018. godine;

Kriteriji za izbor korisnika: broj zaposlenih; stepen sufinansiranja; vrsta djelatnosti (prednost imaju proizvodne djelatnosti); broj godina prisustva na tržištu; novo zapošljavanje.

Sredstva se dodjeljuju korisnicima u rasponu od 10.000,00 KM (slovima: deset hiljada konvertibilnih maraka) **do 70.000,00 KM** (slovima: sedamdeset hiljada konvertibilnih maraka).

LOT 3. - POTICAJ OBRTIMA, STARIM I TRADICIONALNIM

DJELATNOSTIMA

120.000 KM

Ciljevi: poticaj obrtima, starim i tradicionalnim djelatnostima, u očuvanju zanatskih vještina i umijeća obavljanja djelatnosti sa pretežno ručnim radom.

Korisnici sredstava: subjekti male privrede (**fizička lica**) sa sjedištem na području HNK, definisani *Zakonom o obrtu u HNK* („Službene novine HNK“, broj: 6/08), *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16) i *Listom tradicionalnih i starih obrta na području HNK* („Službene novine HNK“, broj: 7/10).

Izvor: Budžet HNK.

Način korištenja poticajnih sredstava (namjena): sufinansiranje troškova obuke zaposlenika; nabavka opreme i materijala za rad; promocija i sajamske aktivnosti; novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz).

Uslovi: pravo prijave za poticajna sredstva Ministarstva imaju fizička lica (obrti) koji imaju najmanje jednog (1) zaposlenog;

Kriteriji za izbor korisnika: broj zaposlenih; stepen sufinansiranja; vrsta djelatnosti (prednost imaju proizvodne djelatnosti); ravnomjerna teritorijalna zastupljenost.

Sredstva se dodjeljuju korisnicima u visini do maksimalno 5.000,00 KM (slovima: pethiljada konvertibilnih maraka).

III PRAVO UČESTVOVANJA U JAVNOM POZIVU

Pravo učestvovanja u ovom Javnom pozivu imaju slijedeće kategorije:

- a) subjekti male privrede (pravna lica ili poslovne jedinice / podružnice u sastavu pravnih lica), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16),
- b) subjekti male privrede (fizička lica), sa sjedištem na području HNK, definisani *Zakonom o obrtu u HNK* („Službene novine HNK“, broj: 6/08), *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13 i 1/16) i *Listom tradicionalnih i starih obrta na području HNK* („Službene novine HNK“, broj: 7/10).

Prijavu za učestvovanje u ovom Javnom pozivu mogu podnijeti samo oni aplikanti koji su eksplicitno navedeni kao korisnici sredstava za pojedinačne programe, u tački II Javnog poziva.

Uz korisnike sredstava za određene programe, iz tačke II, navedeni su i dodatni uslovi za učestvovanje u ovom Javnom pozivu, za pojedine kategorije, kao eliminatorni, prilikom razmatranja njihovih prijava.

Sve kategorije koje apliciraju na Javni poziv moraju biti u većinskom vlasništvu (minimalno 51%) državljanina BiH.

Pravo učestvovanja u Javnom pozivu Ministarstva nemaju aplikanti - primaoci državne pomoći male vrijednosti - de minimis, kojima su dodijeljena bespovratna poticajna sredstva iz budžeta bilo kojeg nivoa vlasti u Bosni i Hercegovini, u tri uzastopne fiskalne godine, u iznosu preko 200.000 €.

IV SADRŽAJ PRIJAVE ZA UČESTVOVANJE U JAVNOM POZIVU

Prijava na Javni poziv mora biti urađena sadržajno i redosljedom, prema elementima koji se zahtijevaju, ovisno o pojedinom programu (LOT- u).

Da bi komisija za odabir korisnika sredstava uzela u razmatranje prijavu, aplikant (podnosioc zahtjeva) mora **kumulativno** ispunjavati sljedeće osnovne uslove:

- a) **zahtjev za uključivanje u Program**

Pod ovim se podrazumijeva uredno popunjen obrazac - *zahtjev za uključivanje u Program*, u kojem mora biti sažetak projektnog prijedloga, te navedeni osnovni podaci koji se traže o aplikantu (naziv podnosioca zahtjeva, adresa sjedišta, općina/grad, kanton, zakonski zastupnik, kontakt osoba, pravni status, vlasništvo, vrsta i šifra djelatnosti, identifikacioni broj (broj poreznog obveznika), transakcijski broj / naziv banke, broj zaposlenih i iznos bespovratnih sredstava koja se traže za realizaciju određene mjere iz tačke II ovog Javnog poziva). Zahtjev za uključivanje u Program mora biti ovjeren potpisom i pečatom od strane ovlaštene osobe.

Obrazac zahtjeva za uključivanje u Program se preuzima sa web stranice Ministarstva (www.privredahnk.gov.ba).

b) opći prilozi

Pod općim prilozima se podrazumijeva dokumentacija koja se zahtijeva od svakog aplikanta, bez obzira na kategoriju kojoj pripada, kojom se nesumnjivo dokazuje da je on kompetentan, pouzdan i da redovno ispunjava svoje zakonske obaveze (dokumenti o izmirenju obaveza poreza i doprinosa, izdati od nadležnih institucija), te da će poticajna sredstva upotrijebiti namjenski (u skladu sa tačkom II ovog Javnog poziva).

c) posebni prilozi

Posebni prilozi se zahtijevaju od aplikanta, ovisno o uslovima, utvrđenim za svaku pojedinu mjeru iz tačke II ovog Javnog poziva.

Lista općih priloga koji se zahtijevaju:

- a) Aktuelni izvod iz sudskog registra, sa svim prilozima i promjenama / Rješenje o registraciji od nadležnog općinskog organa;
- b) Uvjerenje o poreznoj registraciji;
- c) Uvjerenje o registraciji poreza na dodanu vrijednost - PDV (ukoliko je u sistemu PDV-a, u skladu sa Zakonom o porezu na dodanu vrijednost);
- d) Uvjerenje/potvrda o izmirenju direktnih poreza (doprinosa za PIO/MIO i doprinosa za zdravstveno osiguranje), izdana od Porezne uprave F BiH, ne starija od tri (3) mjeseca, računajući od dana podnošenja prijave;
- e) Uvjerenje/potvrda o redovnom izmirenju indirektnih poreza, izdana od Uprave za indirektno oporezivanje, ne starija od tri (3) mjeseca, računajući od dana podnošenja prijave (ukoliko je u sistemu PDV-a, u skladu sa Zakonom o porezu na dodanu vrijednost);
- f) Uvjerenje od nadležnog suda da nije pokrenut stečaj / likvidacija privrednog subjekta, odnosno, uvjerenje od nadležne službe jedinice lokalne samouprave da fizičko lice (obrt) nije prestao djelovati, ili da nije pokrenut postupak brisanja;
- g) Obavještenje o razvrstavanju pravnog lica (i poslovne jedinice / podružnice u sastavu pravnog lica, ako one apliciraju na Javni poziv), prema klasifikaciji djelatnosti, koje izdaje Federalni zavod za statistiku;
- h) Izjava (I-1), (obrazac – koji se preuzima sa web stranice Ministarstva) o primljenoj državnoj pomoći male vrijednosti od bilo kojeg nivoa vlasti u BiH (de minimis), koja je aplikantu dodijeljena u prethodne dvije fiskalne godine (2017.- ož i 2018.- ož) i u tekućoj fiskalnoj godini, u skladu sa Zakonom o sistemu državne pomoći u BiH („Službeni glasnik BiH“, broj: 10/12) i Uredbom o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), potpisana i ovjerena od strane aplikanta;
- i) Uvjerenje o državljanstvu za većinskog vlasnika u pravnom licu / za vlasnika obrta;

- j) Izjava (I-2) o namjenskom utrošku sredstava poticaja, potpisana i ovjerena od strane aplikanta.

Ukoliko je subjekt male privrede (pravno ili fizičko lice) registrovan u vremenu kraćem od 3 (tri) mjeseca, prije dana objave Javnog poziva u „Službenim novinama HNK“, nije dužan dostaviti dokumentaciju kojom dokazuje uredno izmirenje obaveza (direktni porezi, MIO / PIO i zdravstveno osiguranje) - **(ovo se odnosi samo na LOT 1.)**.

Lista posebnih priloga koji se zahtijevaju:

- a) Lista osiguranih lica za obveznika, izdata od Porezne uprave F BiH, kojom se dokazuje da je subjekt male privrede imao najmanje 1 zaposlenog, u periodu 2017.-2018. godine - (za LOT 1.);
- b) Izvještaj o finansijskom poslovanju - bilansa uspjeha za 2017. i 2018. godinu - (za LOT 1.), osim ako je subjekt registrovan nakon 01.01.2019. godine;
- c) Uvjerenje o invalidnosti, izdato od nadležnog organa, za većinskog vlasnika u pravnom licu / za vlasnika obrta - (za LOT 1.);
- d) Lista osiguranih lica za obveznika - pravno lice, kao i za poslovnu jedinicu /podružnicu, u sastavu pravnog lica, ako na Javni poziv aplicira poslovna jedinica /podružnica), izdata od Porezne uprave F BiH, kojom se dokazuje da je obveznik imao najmanje 4 zaposlena, u cijelom periodu 2017.-2018 godine - (za LOT 2.);
- e) Izvještaj o finansijskom poslovanju - bilansa stanja i bilansa uspjeha za 2017. i 2018. godinu - (za LOT 2.);
- f) Lista osiguranih lica za obveznika - fizičko lice - (za LOT 3.).

Opće napomene:

Aplikant je obavezan navesti sve osnovne podatke u obrascu - *zahtjev za uključivanje u Program* i odgovara za istinitost svojih navoda, a uz zahtjev je dužan dostaviti, istovremeno, i sve opće i posebne priloge, koji se traže za pojedini LOT.

Popis potrebne dokumentacije, u zavisnosti od programa (LOT- a) za koji se aplikant prijavljuje, može se preuzeti sa web stranice Ministarstva - (www.privredahnk.gov.ba), (tenderska dokumentacija za svaki program / LOT pojedinačno).

Svi traženi dokumenti, koji se prilažu uz prijavu na Javni poziv, moraju biti originali ili ovjerene kopije (od strane nadležnog organa uprave ili notara), ne starije od 3 (tri) mjeseca, računajući od dana objave ovog Javnog poziva u „Službenim novinama HNK“. U protivnom, prijava će biti izuzeta iz dalje procedure razmatranja.

Nepotpune zahtjeve Komisija neće uzimati u razmatranje.

V KRITERIJI ZA OCJENU PRIJAVA I ODABIR KORISNIKA

Kriteriji za apliciranje, odnosno za ocjenu prispjelih prijava, utvrđeni su posebno za svaki program - LOT, u tački II ovog Javnog poziva.

Ministar privrede HNK (u daljem tekstu: *Ministar*) imenuje komisiju za odabir korisnika poticajnih sredstava (u daljem tekstu: *Komisija*).

Komisija ima zadatak da, u skladu sa odredbama *Pravilnika o postupcima u provođenju Programa razvoja male privrede HNK 2016.-2020. godine* i kriterijima raspodjele, utvrđenim Odlukom o usvajanju Programa utroška sredstava Ministarstva i ovim Javnim pozivom, izvrši rangiranje prijava koje udovoljavaju formalno-pravnim uslovima i Ministru dostavi prijedlog rang liste korisnika sredstava.

Odluku o odabiru korisnika poticajnih sredstava Ministarstva, s pozicije „Subvencije privatnim poduzećima i poduzetnicima (po odluci Vlade)“, donosi Vlada HNK i ista se objavljuje u „Službenim novinama HNK“ i na službenoj web stranici Vlade HNK.

Ocjenjivanje prijave za programe / LOT- ove iz tačke II, koje udovoljavaju formalno-pravnim uslovima, navedenim u ovom Javnom pozivu, Komisija vrši na osnovu sljedećih kriterija i pripadajućih bodova za iste:

LOT 1. - SUFINANSIRANJE PODUZETNIKA POČETNIKA

1. Broj zaposlenih	25
2. Vrsta djelatnosti (proizvodna, proizvodno-uslužna, uslužna)	15
3. Pripadnost ciljnoj skupini	10
4. Ravnomjerna teritorijalna zastupljenost	20
5. Step en sufinansiranja	10
6. Novo zapošljavanje	20

Ukupno bodova: 100

LOT 2. – TEHNOLOŠKI RAZVOJ

1. Broj zaposlenih	15
2. Step en sufinansiranja	35
3. Vrsta djelatnosti (proizvodna, proizvodno-uslužna, uslužna)	10
4. Broj godina postojanja na tržištu	10
5. Novo zapošljavanje	30

Ukupno bodova: 100

LOT 3. – POTICAJ OBRTIMA, STARIM I TRADICIONALNIM DJELATNOSTIMA

1. Broj zaposlenih	35
2. Step en sufinansiranja	35
3. Vrsta djelatnosti (proizvodna, proizvodno-uslužna, uslužna)	15
4. Ravnomjerna teritorijalna zastupljenost	15

Ukupno bodova: 100

Između aplikanata, koji udovoljavaju traženim formalno-pravnim uslovima, utvrđenim za pojedinačne programe / LOT-ove, prednost će imati oni aplikanti kojima, do sada, nisu dodijeljena poticajna sredstva od ovog Ministarstva.

U slučaju da se, uslijed ograničenosti sredstava, namijenjenih pojedinim programima, korisniku dodijeli manji iznos od onog koji je naveden u prijavi i njegovom projektu, ugovorom, kojeg će Ministarstvo zaključiti sa korisnikom, biće precizirano koji će dio projekta biti realizovan dodijeljenim sredstvima, odnosno, tačno će biti utvrđena njihova namjena (radi podnošenja valjanog izvještaja o utrošku sredstava).

U slučaju da Komisija prihvati više projektnih prijedloga istog aplikanta, biće mu dozvoljeno

da se izjasni za koji će se od prihvaćenih projekata opredijeliti, obzirom da Ministarstvo može poticati samo jedan projekat istog aplikanta.

VI NAČIN PODNOŠENJA PRIJAVE NA JAVNI POZIV

Prijave (zahtjevi) za dodjelu poticajnih sredstava podnose se Ministarstvu, na aplikacijskom obrascu, koji se može preuzeti elektronskim putem, sa web stranice Ministarstva - (www.privredahnk.gov.ba).

Prijave, sa potrebnim priložima, dostavljaju se lično, na protokol, ili šalju preporučenom poštom, u zapečaćenim kovertama, na adresu:

HERCEGOVAČKO-NERETVANSKI KANTON
Ministarstvo privrede
Husnije Repca bb, 88104 Mostar

sa naznakom:

„NE OTVARATI“

Prijava po Javnom pozivu za odabir korisnika bespovratnih sredstava Ministarstva privrede HNK, za LOT, broj: _____, _____
(upisati puni naziv LOT-a)

Na poledini koverte obavezno se navodi naziv / ime, adresa i kontakt telefon aplikanta, te se ovjeri pečatom aplikanta.

Rok za dostavu prijave je 30 (trideset) dana, računajući od dana objave ovog Javnog poziva u „Službenim novinama HNK“.

Prijave, zaprimljene nakon isteka roka, neće biti uzete u razmatranje.

Prispjelu dokumentaciju Ministarstvo nije dužno vratiti aplikantima.

VII TROŠKOVI PRIJAVE

U postupku po ovom Javnom pozivu Ministarstvo ne snosi nikakve troškove aplikanta, te zadržava pravo da pojedini projektni prijedlog prihvati u cijelosti, djelimično, ili ga odbije, da poništi Javni poziv, ili odbaci sve projektne prijedloge, u bilo koje vrijeme, prije zaključenja ugovora.

Ministarstvo ne snosi nikakvu odgovornost prema učesnicima Javnog poziva, u pogledu aktivnosti koje su poduzeli, radi apliciranja na određeni program (LOT).

VIII ZAVRŠNE ODREDBE

Sa aplikantom čija prijava / projektni prijedlog bude prihvaćen, Ministarstvo zaključuje Ugovor o implementaciji poticajnih sredstava.

Ugovor se zaključuje na rok od 6 (šest) mjeseci i obavezno sadrži visinu, namjenu i rok implementacije sredstava, međusobna prava i obaveze ugovornih strana, način izvještavanja o utrošku sredstava, nadzor nad utroškom sredstava, obzirom na svrhu za koju su namijenjena, način raskida ugovora, te sankcije za slučaj nepoštivanja ugovora.

Rok za implementaciju poticajnih sredstava je najduže do 6 (šest) mjeseci, računajući od dana uplate novčanih sredstava na račun korisnika.

Sve dopunske informacije, vezane za ovaj Javni poziv, mogu se dobiti svakim radnim danom, putem telefona Ministarstva, broj 036/551-069, u vremenu od 12-14 sati.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO PRIVREDE

Broj: 07-03-30-69-79-a /19
Mostar, 29.04.2019. godine

M i n i s t a r

Željko Laketić, s.r.